



Broj: 01-14/12
Vareš, 30.01. 2012. godine

Z A P I S N I K
s 34. sjednice Općinskog vijeća Vareš,
održane 28.12. 2011. godine

Josip Malbašić – predsjedavajući Općinskog vijeća Vareš, otvorio je 34. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, šef Odsjeka za finansije Boro Anđić, predsjednici političkih stranaka, ispred JKP d.o.o. Vareš direktor Zafer Kamenjaš, zastupnik u Skupštini ZDK Fahrudin Brkić, predstavnici OSCE Terenski ured Zenica Johanna Kisielak i Milan Suzić, ispred Službe za privredu i finansije Dragan Orozović i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 33. sjednice OV održane 30.11.2011. godine i dostavljenim odgovorima na vijećnička pitanja. Općinsko vijeće na 33. sjednici donijelo je 10 Zaključaka. Od tog broja 6 Zaključaka je realizovano, 2 Zaključka su u toku realizacije i nisu vremenski određena, a za 2 Zaključka Služba nema podataka o njihovoj realizaciji. Na 33. sjednici OV postavljeno je 14 vijećničkih pitanja, na 10 pitanja usmeni odgovor je dat na samoj sjednici, na 2 pitanja nadležne službe su u pisanoj formi dostavile odgovore podnosiocima pitanja i na 2 postavljena pitanja nadležni nisu dostavili odgovor.

Općinski načelnik Hamdo Fatić u okviru aktuelne problematike na području općine Vareš, za današnju sjednicu nije imao obraćanje.

(V i j e ć n i č k a p i t a n j a)

Majda Muftić

1. Traži da Općinski načelnik obavi razgovor sa nadležnim iz JKP d.o.o. Vareš u vezi neadekvatnog zimskog održavanja lokalnog puta za MZ Ligatiće? Napominje da se trebaju čistiti i putevi kroz selo a ne samo do sela.

Elvir Rožajac

2. Traži od Općinskog načelnika i vijećnika u OV da razmotre mogućnost da se u budućnosti u budžetu Općine Vareš planiraju sredstva za posticaj svake novorođene bebe na području općine Vareš?

Tajiba Brkić

3. Da li može komunalno-građevinski inspektor izaći na lokalne puteve, a u vezi podnošenja izvještaja o posipanju i održavanju lokalnih puteva na području općine Vareš, jer su putevi u jako lošem stanju?

Ismet Abdulahović

4. Podsjetio je na pitanje koje je postavio na 33. sjednici OV u vezi planiranih sredstava u budžetu za MZ Dabravine, a vezano za uplatu istih. Sredstva nisu uplaćena iako je od nadležnih dobio odgovor da su sredstva uplaćena. Da li je to namjerno urađeno ili nije?

Mato Pavić

5. Podsjetio je pitanje koje je i ranije postavljao i ponovo ga postavlja. Kada će se na Selištu napraviti javna rasvjeta? Pitanje postavljeno u ime građana ulice Selište.

Džemo Kevrić

6. Traži od izvođača radova koji su zaduženi (i plaćeni iz budžeta Općine Vareš) za zimsko i ljetno održavanje lokalnog puta Pajtov Han-Striježevo-Kokošičići i svih ostalih lokalnih puteva na području općine Vareš, da pristupi krajnje ozbiljno prilikom rada i održavanja istih?

Predsjedavajući OV stavio je na raspravu zapisnik sa 33. sjednice OV .

Nije bilo primjedbi i predsjedavajući OV stavio je na izjašnjavanje zapisnik sa 33. sjednice OV i nakon izjašnjavanja vijećnika konstatovao da je **zapisnik sa 33. sjednice OV jednoglasno usvojen**.

Na raspravu je stavljen prijedlog dnevnog reda iz poziva za 34. sjednicu OV.

Predsjedavajući OV podsjetio je Vijeće na prijedlog Komisije za statutarna pitanja i propise, koji se odnosi na izmjenu naziva tačke 6. prijedloga dnevnog reda za 34. sjednicu OV, a koja glasi:

„ Prijedlog Odluke o zaštitnim zonama i zaštitnim mjerama vodovoda mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), za snabdijevanje vodom za piće mjesne zajednice Ravne“.

Nije bilo više bilo primjedbi niti prijedloga za izmjenu ili dopunu dnevnog reda 34. sjednice OV.

Predsjedavajući OV stavio je na izjašnjavanje predloženi prijedlog Komisije za statutarna pitanja i propise za izmjenu naziva tačke 6. i nakon izjašnjavanja konstatovao da je prijedlog **jednoglasno usvojen**.

Predsjedavajući OV stavio je na izjašnjavanje prijedlog dnevnog reda iz poziva za 34. sjednicu OV sa usvojenom izmjenom i nakon izjašnjavanja konstatuje da je **jednoglasno usvojen s l i j e d e ć i**

Dnevni red

1. Prijedlog budžeta/proračuna Općine Vareš za 2012. godinu.
2. Prijedlog Odluke o izvršenju budžeta/proračuna Općine Vareš za 2012. godinu.
3. Prijedlog Odluke o privremenom finansiranju općine Vareš za 2012. godinu.
4. Prijedlog budžetski/proračunski kalendar za izradu i donošenje budžeta/proračuna za 2013. godinu i Dokumenta okvirnog budžeta/proračuna za period 2013.-2015. godine.
5. Prijedlog Odluke o zaštitnim zonama i zaštitnim mjerama lokalnog izvorišta „Studenac“ za snabdijevanje vodom za piće naselja Neprivaj.
6. Prijedlog Odluke o zaštitnim zonama i zaštitnim mjerama vodovoda Mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), za snabdijevanje vodom za piće Mjesne zajednice Ravne.
7. Prijedlog Odluke o izmjenama i dopunama Odluke o utvrđivanju standarda i kriterija za konačna imenovanja na pozicije u regulirane organe.
8. Prijedlog Odluke o visini naknade za rad članova Općinske izborne komisije.
9. Nacrt Odluke o organizovanju i funkcionisanju zaštite od požara i vatrogastva.
10. Nacrt Odluke o obliku i sadržaju vijećničke iskaznice.
11. Nacrt Odluke o utvrđivanju cijena komunalnih usluga i visine naknade za priključno mjesto.
12. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2012. godinu.
13. Prijedlog Programa rada Općinskog vijeća Vareš za 2012. godinu.
14. Izvještaj o provođenju Programa finansiranja komunalnih djelatnosti u 2011. godini.
15. Izvještaj o stanju gradske higijene i prijedlog mjera za poboljšanje iste.
16. Izvještaj o ostvarivanju dugoročnih ciljeva i razvoja cestovne infrastrukture i izvršenja programa održavanja, zaštite, izgradnje i obnove lokalnih cesta.
17. Informacija o realizaciji Programa kapitalnih ulaganja na području općine Vareš u 2011. godini.
18. Tekuća pitanja

Ad. 1.

*(Prijedlog budžeta/proračuna
Općine Vareš za 2012. godinu.)*

Komisija za privredu, finansije i budžet, na sjednici održanoj 20.12.2011. godine, jednoglasno je donijela Zaključak :

- Komisija za privredu, finansije i budžet prihvata Prijedlog budžeta/proračuna Općine Vareš za 2012. godinu, uz upozorenje Vijeću za izradu Programa sanacije budžeta/proračuna općine Vareš i sugestiju da se pristupi izradi dokumenta Razvoja poljoprivredne proizvodnje na području općine Vareš.

Ispred predlagača Boro Anđić šef Odsjeka za finansije upoznao je Vijeće sa izvršenim izmjenama u ekonomskim kodovima u Prijedlogu budžeta/proračuna Općine Vareš za 2012. godinu nakon obavljene javne rasprave i tehničkim greškama u Prijedlogu budžeta/proračuna.

Otvorena je rasprava u kojoj je predsjedavajući OV pozvao predlagača da se izjasni o primjedbama i prijedlozima na predloženi Nacrt budžet/proračun Općine Vareš za 2012. godinu, upućenih od strane MZ Vareš, uz sugestiju da se uputi i pismeni odgovor MZ Vareš.

Ispred predlagača Boro Anđić šef Odsjeka za finansije izjasnio se o primjedbama i dao je kratko objašnjenje.

Zaključena je rasprava i predsjedavajući OV predložio je slijedeći

Zaključak:

- 1. - Prihvataju se Zaključci Komisije za privredu, finansije i budžet sa dopunom i to:**
 - a) Obavezuje se nadležna Služba da izradi Program sanacije budžeta/proračuna Općine Vareš koji će Vijeću biti prezentiran na sjednici na kojoj će OV razmatrati i Izvještaj o izvršenju budžeta/proračuna Općine Vareš za 2011. godine**
 - b) Obavezuje se nadležna Služba da prijedlog dokumenta Razvoja poljoprivredne proizvodnje na području općine Vareš, dostavi Vijeću na razmatranje na istoj sjednici na kojoj će se razmatrati i Programa sanacije budžeta/proračuna Općine Vareš.**

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

Predsjedavajući OV stavio je na izjašnjavanje Prijedlog budžeta/proračuna Općine Vareš za 2012. godinu, te nakon izjašnjavanja vijećnika konstatuje da sa **10 glasova „ZA“ ,7 glasova „PROTIV“ i 4 „SUZDRŽANA“ glasa nije usvojen Prijedlog budžeta/proračuna Općine Vareš za 2012. godinu.**

Ad. 2.

*(Prijedlog Odluke o izvršenju
budžeta/proračuna Općine Vareš za 2012. godinu.)*

Komisija za privredu, finansije i budžet, na sjednici održanoj 20.12.2011. godine, jednoglasno je donijela Zaključak:

- Prihvataju se prijedlozi ovlaštenog predlagača i Komisija ih kao amandmane na Prijedlog upućuje Vijeću na usvajanje i to:**

1. Iza člana 21. dodaje se novi član 21a. koji glasi: „Sredstva iz tekućih grantova za subvencioniranje plaćanja komunalnih usluga i subvenciju troškova usluga JPU „Dječije obdanište“ Vareš realizovat će se u skladu sa Odlukom Općinskog vijeća Vareš. Za realizaciju ovih sredstava nadležna je Služba za društvene djelatnosti i boračko-invalidsku zaštitu.“
2. Iza člana 27. dodaje se novi član 27a. koji glasi: „Sredstva za očuvanje kulturne baštine i spomen obilježja, bit će realizovani u skladu sa programom sanacije i održavanja kulturno-historijskih spomenika i spomen obilježja, kojeg će donijeti Općinsko vijeće u 2012. godini.“
3. U članu 36. iza riječi „primjenjivat će se“, riječ „tokom“ zamjenjuje se riječju „za“.

Ispred predlagача Zihnija Krnjić pomoćnik načelnika izjasnio se da povlači ovu tačku sa dnevnog reda, jer Prijedlog budžeta/proračuna Općine Vareš za 2012. godinu nije usvojen.

Predsjedavajući OV je konstatovao da je ova tačka Prijedlog Odluke o izvršenju budžeta/proračuna Općine Vareš za 2012. godinu povučena sa dnevnog reda današnje sjednice.

Ad. 3.

(Prijedlog Odluke o privremenom finansiranju Općine Vareš za 2012. godinu)

Komisija za privredu, finansije i budžet, na sjednici održanoj 20.12.2011. godine, jednoglasno je donijela Zaključak:

- **Komisija prihvata Prijedlog Odluke o privremenom finansiranju Općine Vareš za 2012. godinu bez primjedbi.**

Komisija za statutarna pitanja i propise na sjednici održanoj 20. 12. 2011. godine, jednoglasno je donijela Zaključak:

- **Komisija za statutarna pitanja i propise nema primjedbi na Prijedlog Odluke o privremenom finansiranju Općine Vareš za 2012. godinu.**

Predlagач nije imao potrebe za dodatnim obrazloženjem

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o privremenom finansiranju Općine Vareš za 2012. godinu.

Nakon izjašnjavanja vijećnika predsjedavajući OV konstatuje da je sa **11 glasova „ZA“ i 10 „SUZDRŽANIH“ glasova usvojena**

*Odluka o privremenom finansiranju
Općine Vareš za 2012. godinu.*

Ad. 4.

(Prijedlog Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine.)

Komisija za privredu, finansije i budžet, na sjednici održanoj 20.12.2011. godine, jednoglasno je donijela Zaključak:

- **Komisija predlaže da se na str. br. 3., redni broj 3. „objavlivanje javnog poziva, smjernica i formulara za finansiranje projekata i programa NVO, udruženja,**

mjesnih zajednica i pojedinaca za tekuću godinu“ prebaci u mjesec februar/veljača do 15.02.2012. godine.

Ispred predlagača Zihnija Krnjić pomoćnik načelnika izjasnio se da u Budžetskom/proračunskom kalendaru, rokovi za realizaciju aktivnosti koje su planirane za mjesec januar, februar, mart i april 2012. godine, mijenjaju zbog neusvajanja Budžeta/proračuna općine Vareš za 2012. Predlaže da se navedeni rokovi mijenjaju i da se kod rokova planiranih aktivnosti navede period „ po donošenju Budžeta/proračuna“, jer navedene aktivnosti se ne mogu realizovati dok se ne donese Budžet/proračun.

Otvorena je rasprava u kojoj je vijećnica Dženana Bešić predložila da se Prijedlog Budžetski/proračunski kalendar povuče sa dnevnog reda i prezentuje na januarskoj sjednici sa tačnim pregledom koji se odnosi na način i rokove u vezi realizacije aktivnosti.

Ispred predlagača Zihnija Krnjić pomoćnik načelnika dao je dodatno objašnjenje i izjasnio se da ne prihvata predloženi prijedlog za povlačenje ove tačke sa dnevnog reda današnje sjednice.

Zaključena je rasprava i predsjedavajući OV stavio je na izjašnjavanje Prijedlog Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 8 „SUZDRŽANIH“ glasova usvojen**

Budžetski/Proračunski kalendar za izradu i donošenje Budžeta/Proračuna za 2013. godinu i Dokumenta okvirnog budžeta/proračuna za period 2013.-2015. godine.

Ad.5.

(Prijedlog Odluke o zaštitnim zonama i zaštitnim mjerama lokalnog izvorišta „Studenac“ za snabdijevanje vodom za piće naselja Neprivaj.)

Komisija za statutarna pitanja i propise na sjednici održanoj 20.12.2011. godine, jednoglasno je donijela Zaključak :

- **Komisija za statutarna pitanja i propise prihvata iznesene sugestije od strane sekretara OV i nema drugih primjedbi na Prijedlog Odluke o zaštitnim zonama i zaštitnim mjerama lokalnog izvorišta „Studenac“ za snabdijevanje vodom za piće naselja Neprivaj.**

Predlagač nije imao dodatno obrazloženje za ovu tačku dnevnog reda.

U raspravi je učestvovao i iznio svoje mišljenje i sugestiju vijećnik Kenan Kamenjaš.

Zaključena je rasprava i predsjedavajući OV stavio je na izjašnjavanje Prijedlog Odluke o zaštitnim zonama i zaštitnim mjerama lokalnog izvorišta „Studenac“ za snabdijevanje vodom za piće naselja Neprivaj.

Nakon izjašnjavanja vijećnika, predsjedavajući OV konstatuje da je sa **20 glasova „ZA“ i 1 „SUZDRŽANIM“ glasom usvojena**

Odluka o zaštitnim zonama i zaštitnim mjerama lokalnog izvorišta „Studenac“ za snabdijevanje vodom za piće naselja Neprivaj

Ad. 6.

(Prijedlog Odluke o zaštitnim zonama i zaštitnim mjerama vodovoda Mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), za snabdijevanje vodom za piće Mjesne zajednice Ravne)

Komisija za statutarna pitanja i propise na sjednici održanoj 20.12.2011. godine, jednoglasno je donijela Zaključak :

- **Komisija za statutarna pitanja i propise prihvata iznesene sugestije i prijedloge u raspravi i nema drugih primjedbi na Prijedlog Odluke o zaštitnim zonama i zaštitnim mjerama vodovoda Mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), koja su predata na upravljanje JKP d.o.o. Vareš od strane Općinskog vijeća Vareš za snabdijevanje vodom za piće Mjesne zajednice Ravne.**

Predlagač nije imao dodatno obrazloženje za ovu tačku dnevnog reda.

U raspravi je učestvovao i iznio svoje primjedbe vijećnik Elvir Rožajac.

Predsjedavajući OV stavio je na izjašnjavanje Prijedlog Odluke o zaštitnim zonama i zaštitnim mjerama vodovoda Mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), za snabdijevanje vodom za piće Mjesne zajednice Ravne.

Nakon izjašnjavanja vijećnika predsjedavajući OV je konstatuje da je **sa 20 glasova «ZA» i 1 «SUZDRŽANIM» glasom usvojena**

Odluka o zaštitnim zonama i zaštitnim mjerama vodovoda Mjesne zajednice Ravne i to izvorišta Studenac (kod Zubeta), Zubetsko vrelo, Ravanjsko vrelo i Studenac (kod Mačka), za snabdijevanje vodom za piće Mjesne zajednice Ravne.

Ad. 7.

(Prijedlog Odluke o izmjenama i dopunama Odluke o utvrđivanju standarda i kriterija za konačna imenovanja na pozicije u regulirane organe.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjenama i dopunama Odluke o utvrđivanju standarda i kriterija za konačna imenovanja na pozicije u regulirane organe.

Nakon izjašnjavanja vijećnika predsjedavajući OV konstatuje da je **sa 21 glasom «ZA» usvojena**

Odluka o izmjenama i dopunama Odluke o utvrđivanju standarda i kriterija za konačna imenovanja u regulirane organe.

Ad. 8.

(Prijedlog Odluke o visini naknade za rad članova Općinske izborne komisije.)

Komisija za statutarna pitanja i propise na sjednici održanoj 20.12.2011. godine jednoglasno je donijela Zaključak

- **Komisija za statutarna pitanja i propise nema primjedbi na Prijedlog Odluke o visini naknade članova Općinske izborne komisije.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Odluke o visini naknade za rad članova Općinske izborne komisije.

Nakon izjašnjavaња vijećnika predsjedavajući OV konstatuje da je **sa 21 glasom «ZA» usvojena**

Odluka o visini naknade za rad članova Općinske izborne komisije.

Ad. 9.

(Nacrt Odluke o organizovanju i funkcionisanju zaštite od požara i vatrogastva.)

Komisija za statutarne pitanja i propise na sjednici održanoj 21.11.2011. godine jednoglasno je donijela Zaključak:

- **Komisija za statutarna pitanja i propise nema primjedbi na Nacrt Odluke o organizovanju i funkcionisanju zaštite od požara i vatrogastva.**

Ispred predlagača Željko Franjić pomoćnik načelnika dao je dodatno objašnjenje za ovu tačku dnevnog reda.

Otvorena je rasprava u kojoj je vijećnik Ivan Lučić predložio amandmane i to:

- da su u članu 21. stav 1. iza riječi „šumskog i poljoprivrednog zemljišta“ stavi tačka, a riječi „kao i tijela uprave Federacije, kantona, grada i općine koji su mjerodavni za šume i šumska zemljišta, te za poljoprivredno zemljište.“ brišu se.
- da se u članu 57. doda novi stav 1. koji glasi: „Odluke, programi, planovi i drugi dokumenti čije je donošenje propisano ovom Odlukom, bit će doneseni u roku od 90 dana od dana stupanja na snagu ove Odluke.“
- da se u članu 57. stav 1. riječi „izvršiti prijedlog“ mijenjaju riječju „predložiti“.
- ako se prijedlog usvoji, a koji se odnosi na dodavanje novog stava 1. u članu 57., dosadašnji stav 1. postaje stav 2., stav 2. postaje stav 3., stav 3. postaje stav 4. i stav 4. postaje stav 5. U tekstu gdje su navedeni stavovi, potrebno je izvršiti izmjene.

Predsjedavajući OV pozvao je predlagača da se izjasni o predloženim amandmanima vijećnika Ivana Lučić.

Ispred predlagača Željko Franjić pomoćnik načelnika, izjasnio se da prihvata predložene amandmane.

Predsjedavajući OV konstatovao je da je ovlašteni predlagač prihvatio predložene amandmane i da su oni postali sastavni dio Nacrta Odluke.

Zaključena je rasprava i predsjedavajući OV predložio je slijedeći

Zaključak:

- **Općinsko vijeće smatra da predloženi Nacrt Odluke o organizovanju i funkcionisanju zaštite od požara i vatrogastva predstavlja dobru osnovu za izradu Prijedloga Odluke.**

- Prijedlozi, primjedbe i sugestije koje su date u raspravi, predlagač će uzeti u razmatranje prilikom izrade Prijedloga Odluke.
- O aktu će se sprovesti javna rasprava u trajanju od 30 dana. Ovlašteni predlagač će nakon javne rasprave utvrditi Prijedlog Odluke sa Izvještajem o provedenoj raspravi i isti dostaviti OV na razmatranje. Za realizaciju ovog Zaključka zadužuje se Općinski načelnik i nadležna Služba općinske uprave. Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak**

*Nacrt Odluke o organizovanju i
funkcionisanju zaštite od požara i vatrogastva.*

Ad. 10.

*(Nacrt Odluke o obliku
i sadržaju vijećničke iskaznice.)*

Komisija za statutarna pitanja i propise na sjednici održanoj 20.12.2011. godine jednoglasno je donijela Zaključak

- **Komisija za statutarna pitanja i propise prihvata Nacrt Odluke o obliku i sadržaju vijećničke iskaznice sa usvojenom ispravkama i to:**
- **da se u članu 3. u tački 3. iza riječi „kanton“ dodaju riječi „Općina Vareš“**
- **da se u prilogu Nacrta Odluke koji se odnosi na obrasc br. 1. vijećničke iskaznice ispred riječi „Općinsko vijeće Vareš“ dodaju riječi „Općina Vareš“ .**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je svoje primjedbe i prijedloge iznio vijećnik Mato Pavić.

Zaključena je rasprava i predsjedavajući OV predložio je slijedeći

Zaključak:

- **Predloženi Nacrt Odluke o obliku i sadržaju vijećničke iskaznice, sa iznesenim primjedbama predstavlja dobru osnovu za izradu Prijedloga Odluke.**
- **Prijedlog Odluke o obliku i sadržaju vijećničke iskaznice, Vijeće će razmatrati na prvoj narednoj sjednici OV.**

Nakon izjašnjavanja vijećnika predsjedavajući OV konstatuje da je sa **jednoglasno usvojen predloženi Zaključak i**

*Nacrt Odluke o obliku i
sadržaju vijećničke iskaznice.*

Ad.11.

*(Nacrt Odluke o utvrđivanju cijena komunalnih
usluga i visine naknade za priključno mjesto.)*

Komisija za statutarna pitanja i propise na sjednici održanoj 20.12. 2011. godine donijela je Zaključak:

- **Komisija za statutarna pitanja i propise prihvata iznesene sugestije od strane sekretara OV i nema drugih primjedbi na Nacrt Odluke o utvrđivanju cijena komunalnih usluga i visine naknade za priključno mjesto .**

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Nuhad Parić, Jelena Zlobec, Džemo Kevrić, Dženana Bešić, Ivan Lučić i direktor JKP d.o.o. Vareš Zafer Kamenjaš.

Zaključena je rasprava i predsjedavajući OV stavio je na izjašnjanje Nacrt Odluke o utvrđivanju cijena komunalnih usluga i visine naknade za priključno mjesto.

Nakon izjašnjanja vijećnika predsjedavajući OV je konstatovao da sa **8 glasova „ZA“ i 13 glasova „PROTIV“ nije usvojen**

***Nacrt Odluke o utvrđivanju cijena
komunalnih usluga i visine naknade za priključno mjesto.***

Ad.12.

*(Prijedlog Zaključka o davanju saglasnosti
na Program rekonstrukcije,
izgradnje i obnove lokalnih cesta za 2012. godinu.)*

Komisija za obnovu i kapitalna ulaganja na sjednici održanoj 19.12.2011. godine jednoglasno je donijela slijedeći Zaključak

- **Komisija za obnovu i kapitalna ulaganja prihvata Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2012. godinu uz prijedlog da se put Podtisoenci-Bijelo Borje-Mir uvrsti u prioritete za 2012. godinu i da se vidi tačnost podataka u vezi lokalnog puta Daštansko-Višnjići.**

Ispred predlagača Ermin Musa pomoćnik načelnika dao je dodatno objašnjenje za ovu tačku dnevnog reda i izjasnio se da je ovlaštenu predlagač prihvatio prijedloge Komisije za obnovu i kapitalna ulaganja i o izmjenama koje će biti uvrštene u Program rekonstrukcije, izgradnje i obnove lokalnih cesta za 2012. godinu.

Predsjedavajući OV je konstatovao da je ovlaštenu predlagač prihvatio sugestije Komisije za obnovu i kapitalna ulaganja i da su one postale sastavni dio Programa rekonstrukcije, izgradnje i obnove lokalnih cesta za 2012. godinu.

Otvorena je rasprava u kojoj je svoje sugestije i prijedloge iznio vijećnik Elvir Rožajac.

Zaključena je rasprava i predsjedavajući OV stavio je na izjašnjanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2012. godinu.

Nakon izjašnjanja vijećnika predsjedavajući OV konstatuje da je sa **21 glasom „ZA“ usvojen**

***Zaključak o davanju saglasnosti na
Program rekonstrukcije, izgradnje i
obnove lokalnih cesta za 2012. godinu.***

Ad. 13.

(Prijedlog Programa rada
Općinskog vijeća Vareš za 2012. godinu)

Kolegij OV Vareš na sjednici održanoj 20.12.2011. godine jednoglasno je donio Zaključak

- **Utvrđuje se Prijedlog Programa rada Općinskog vijeća Vareš za 2012. godinu i isti se upućuje Vijeću na razmatranje i usvajanje.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su prijedloge, primjedbe i mišljenja iznijeli vijećnici: Dženana Bešić, Ismet Abdulahović, pomoćnik načelnika Željko Franjić, zamjenik predsjedavajućeg OV Milan Knežević, predsjedavajući OV Josip Malbašić i Općinski načelnik Hamdo Fatić.

Vijećnica Dženana Bešić iznijela je stav Kluba vijećnika SDA i predložila:

- da se uvaži prijedlog Službe za prostorno uređenje i obnovu na Prijedlog Programa rada Općinskog vijeća Vareš za 2012. godinu
- da se u dijelu prezentacije normativnih i pravnih akata u dijelu B) Programa rada Općinskog vijeća Vareš za 2012. godinu, uvrsti u I kvartal 2012. godine Nacrt i Prijedlog Odluke o načinu obilježavanja međunarodnih i državnih praznika u općini Vareš, nositelj izrade da bude Stručna služna OV i ON ili Stručna služba za opću upravu, predlagač Općinski načelnik i rok I kvartal 2012. godine.

Vijećnik Ismet Abdulahović uputio je sugestiju da se ispoštuje ono što je obećano od strane Općinskog načelnika, a vezano za uvrštavanje Nacrta i Prijedloga Odluke o obilježavanju državnih praznika u Program rada OV Vareš.

Željko Franjić pomoćnik načelnika predložio je da se Nacrt i Prijedlog Odluke o organizaciji i radu dimnjačarske djelatnosti povuče iz Programa rada Općinskog vijeća Vareš za 2012. godinu, zbog najava izmjene i dopune Zakona zaštiti od požara i vatrogastva.

Općinski načelnik predložio je da se Nacrt i Prijedlog Odluke o organizaciji i radu dimnjačarske djelatnosti uvrsti u III kvartal Programa rada OV zbog najava izmjena Zakona a da je određivanje nositelja izrade Nacrta i Prijedloga Odluke u nadležnosti Općinskog načelnika.

Zaključena je rasprava i predsjedavajući OV dao je pauzu u trajanju 5 minuta.

Sekretar OV Leon Pavlović ponovio je uložene amandmane na Program rada OV Vareš za 2012. godinu, o kojima će se Vijeće izjašnjavati i to:

- **dopuna normativno-pravnih akata u poglavlju B) sa slijedećim prijedlogom:**
- 1. **Nacrt i Prijedlog Odluke o načinu obilježavanja međunarodnih i državnih praznika u općini Vareš**

Nositelj izrade: Služba za opću upravu

Predlagač: Općinski načelnik

Rok: I kvartal 2012. godine

- 2. **U normativno-pravnom dijelu Programa rada OV Vareš za 2012. godinu , Nacrt i Prijedlog Odluke o organizaciji i radu dimnjačarske djelatnosti**

Nositelj izrade: Služba za civilnu zaštitu

Predlagač: Općinski načelnik

Rok: III kvartal 2012. godine

Predsjedavajući OV stavio je na izjašnjavanje amandman broj 1., te nakon izjašnjavanja vijećnika konstatovao je da je predloženi amandman **jednoglasno usvojen.**

Predsjedavajući OV stavio je na izjašnjanje amandman broj 2., te nakon izjašnjanja vijećnika konstatovao je da je predloženi amandman **jednoglasično usvojen**.

Predsjedavajući OV je konstatovao da su predloženi amandmani postali sastavni dio Programa rada Općinskog vijeća Vareš za 2012. godinu.

Predsjedavajući OV stavio je na izjašnjanje Prijedlog Programa rada Općinskog vijeća Vareš za 2012. godinu.

Nakon izjašnjanja vijećnika predsjedavajući OV je konstatovao da je sa **21 glasom „ZA“ usvojen**

***Program rada Općinskog
vijeća Vareš za 2012. godinu.***

Ad. 14.

*(Izveštaj o provođenju Programa
finansiranja komunalnih djelatnosti u 2011. godini.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Izveštaj o provođenju Programa finansiranja komunalnih djelatnosti u 2011. godini.

Nakon izjašnjanja vijećnika predsjedavajući konstatuje da je sa **20 glasova „ZA“ i 1 „SUZDRŽANIM“ glasom usvojen**

***Izveštaj o provođenju Programa
finansiranja komunalnih djelatnosti za 2011. godinu.***

Ad. 15.

*(Izveštaj o stanju gradske higijene i
prijedlog mjera za poboljšanje iste.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su prijedloge, primjedbe i mišljenja iznijeli vijećnici: Elvir Rožajac, Ivan Lučić, Tajiba Brkić i Ermin Musa pomoćnik načelnika koji je i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjanje Izveštaj o stanju gradske higijene i prijedlog mjera na poboljšanju iste.

Nakon izjašnjanja vijećnika predsjedavajući OV konstatuje da je sa **14 glasova „ZA“ i 6 „SUZDRŽANIH“ glasova usvojen**

***Izveštaj o stanju gradske higijene i
prijedlog mjera na poboljšanju iste.***

Ad. 16.

*(Izveštaj o ostvarivanju dugoročnih ciljeva i razvoja
cestovne infrastrukture i izvršenja
programa održavanja, zaštite, izgradnje i obnove lokalnih cesta.)*

Komisija za obnovu i kapitalna ulaganja na sjednici održanoj 19.12.2011. godine jednoglasno je donijela Zaključak:

- **Komisija za obnovu i kapitalna ulaganja prihvata Izvještaj o ostvarivanju dugoročnih ciljeva i razvoja cestovne infrastrukture i izvršenja programa održavanja, zaštite, izgradnje i obnove lokalnih cesta i predlaže Vijeću da istu usvoji uz sugestiju da se pokrene inicijativa za prekategoriizaciju puteva na području MZ Vijaka, općina Vareš.**

Ispred predlagača Ermin Musa pomoćnik načelnika dao je dodatno obrazloženje u vezi zaključka Komisije za obnovu i kapitalna ulaganja a koji se odnosi na pokretanje inicijative za prekategoriizaciju puteva na području MZ Vijaka, općina Vareš.

Nije bilo rasprave po ovoj tački dnevnog reda i predsjedavajući OV stavio je na izjašnjanje Izvještaj o ostvarivanju dugoročnih ciljeva i razvoja cestovne infrastrukture i izvršenja programa održavanja, zaštite, izgradnje i obnove lokalnih cesta.

Nakon izjašnjanja vijećnika predsjedavajući OV konstatuje da je **sa 21 glasom «ZA» usvojen**

*Izvještaj o ostvarivanju dugoročnih ciljeva
i razvoja cestovne infrastrukture i izvršenja
programa održavanja, zaštite, izgradnje i obnove lokalnih cesta.*

Ad. 17.

*(Informacija o realizaciji Programa kapitalnih
ulaganja na području općine Vareš u 2011. godini.)*

Komisija za obnovu i kapitalna ulaganja na sjednici održanoj 19.12.2011. godine jednoglasno je donijela Zaključak:

- **Komisija za obnovu i kapitalna ulaganja prihvata Informaciju o realizaciji Programa kapitalnih ulaganja na području općine Vareš u 2011. godini uz dopunu sa cjelokupnim podacima što je planirano a što je od planiranog realizovano i da se navedu dionice puta koje se trebaju raditi i na kojima su radovi završeni.**

Ispred predlagača Ermin Musa pomoćnik načelnika dao je dodatno obrazloženje za ovu tačku dnevnog reda i pojašnjenje u vezi zaključka Komisije.

Otvorena je rasprava u kojoj su svoje primjedbe i mišljenja iznijeli vijećnici: Elvir Rožajac, Majda Muftić, Mario Mirčić i Ermin Musa pomoćnik načelnika koji je i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjanje Informaciju o realizaciji Programa kapitalnih ulaganja na području općine Vareš u 2011. godini.

Nakon izjašnjanja vijećnika predsjedavajući OV konstatuje da je **sa 19 glasova «ZA» i 2 „SUZDRŽANA“ glasa usvojena**

*Informacija o realizaciji Programa kapitalnih
ulaganja na području općine Vareš u 2011. godini.*

Ad. 18.

(Tekuća pitanja.)

1. Predsjedavajući OV upoznao je prisutne da je Vijeću od strane Savjeta Mjesne zajednice Dabravine, općina Vareš upućen zahtjev za poništenje Odluke Općinskog vijeća Vareš, broj: 01-217/09 od 08.10.2009. godine, o povjeravanju na upravljanje i korištenje vodovoda pitke vode Mjesne zajednice Dabravine, Javnom komunalnom preduzeću Vareš.

Otvorena je rasprava u kojoj su učestvovali vijećnici: Elvir Rožajac, Jasmin Salketić, Kenan Kamenjaš, Ismet Abdulahović, predsjedavajući OV Josip Malbašić i Općinski načelnik Hamdo Fatić koji je Vijeće izvijestio da će za narednu sjednicu OV pripremiti Odluku o predaji vodovoda Tatarin JKP d.o.o. Vareš.

Vijećnik Ismet Abdulahović predložio je da se donese zaključak da JKP d.o.o. Vareš više ne ispostavlja račune za plaćanje vode mještanima MZ Dabravine. .

Zaključena je rasprava i predsjedavajući OV predložio je slijedeći

Zaključak:

- **Obavezuje se Općinski načelnik da na narednoj sjednici OV predloži rješenje u vezi nastalih problema oko upravljanja i korištenja vodovoda pitke vode u MZ Dabravine.**

Nakon izjašnjavanja vijećnika, predsjedavajući OV je konstatovao da je predloženi Zaključak **jednoglasno usvojen.**

2. Vijećnik Mato Pavić iznio je problem u vezi zimskog održavanja regionalnih puteva na općini Vareš. Predložio je **Zaključak da Općinski načelnik žurno obavijesti nadležno Ministarstvo u vezi problema koji se odnose na izvođenje radova zimskog održavanja regionalnih puteva na općini Vareš.**

Otvorena je rasprava u kojoj su svoje primjedbe i prijedloge iznijeli vijećnici: Željko Matić, Mato Pavić, Jelena Zlobec, predsjedavajući OV Josip Malbašić i Ermin Musa pomoćnik načelnika koji je odgovorio na neka pitanja vijećnika postavljena u raspravi.

Zaključena je rasprava i predsjedavajući OV predložio slijedeći

Zaključak:

- **Obavezuje se Općinski načelnik, da odgovorne u preduzećima koja su dobila poslove zimskog održavanja na regionalnim putevima, upozori na nedostatke u vezi održavanja i da upozori Nadzorni organ iz kantonalne Direkcije za ceste na to da se više vodi računa o adekvatnom zimskom održavanju i prohodnosti regionalnih puteva u cijeloj dužini puteva.**

Nakon izjašnjavanja vijećnika, predsjedavajući OV je konstatovao da je predloženi Zaključak sa **20 glasova „ZA“ i 1 „SUZDRŽANIM“ glasom usvojen.**

Predsjedavajući OV u svoje lično ime i u ime Općinskog vijeća Vareš, čestitao je i poželio sretnu i uspješnu Novu godinu svim građanima općine Vareš, kolegama vijećnicima i vijećnicama, Općinskom načelniku i njegovim suradnicima, a vjernicima pravoslavne vjeroispovijedi, čestitao je nadolazeći blagdan Božić.

Sjednica je završena u 12 sati i 25 minuta.

SEKRETAR

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović